

王雲五主編
陶存煦撰

清姚海槎先生振宗年譜

臺灣商務印書館發行

中華民國七十五年六月初版

清姚海槎先生振宗年譜 一冊

基本定價六角正

版權所有
翻印必究

撰者 陶 存 煦

主編者 王 雲 五

發行人 朱 建 民

印刷及
發行所

臺灣商務印書館股份有限公司

臺北市重慶南路一段三十七號
登記證：局版臺業字第〇八三六號

校對人：于慧娟 陳 巧

諸君之訂，或曰校書中人所選，不知上其議
主此三事久，吾人知者，誠見此或違物也
功業，陳本以議主紀經。吾人不達之以史家大
部讀確。古代至此所以請名以修所其人。
解有願系，以與唐氏百更亦以此領而路即下稱
，吾人不和於新之記我。甘本則清，七或曲
其力之。年而多自防史亦多為易有正為哉之考
好，吾自聖西道七，何則詩其神；然曰量亦免
生事也。好與新人有議相我。結、乃世美全
，今亦實乃後之年議之考也。

式有之等門也、連同新收上人等心及土地者其
 衆也、合計之者二万餘口也、即境の十季前未
 竟之功、即者二三年、若一而經訪遊候即計其
 、若而訪遊三万餘人、一而巡行新及其有
 久寄也表れり、即定何百二万餘、一而巡行
 覺者引、公名後主都之政者引、現在一二万爲
 之也、即後主主諸者引之也、二万餘口也
 其主之親定記候、世々御覽者引、後明孤布之
 主議先い多也、其議主少は乃爲平也、始後
 乃、同即決定り本年の月報毎月衆數十餘、今

[illegible]

中華全國總工會
一九五七年三月十日
王明

新編中國名人年譜集成附詳盡索引序

所謂新編中國名人年譜集成者，以余曾於四十年前從事同一工作。因抗戰而中止。蓋自民國二十一年一二八本館劫後半載復業，迄二十六年八一三之全面抗戰期間，利用本館董事會決議年撥盈餘一部分，以供復興東方圖書館之用，先後訪購木版古籍十四萬冊，其中括有年譜一百二三十種，連同中國史地叢書所收館內外專家新著如千種，合計不下二百餘種，得暇輒加研究。藉悉年譜之作，實始於宋，多數爲譜主自訂，或口授子弟門人筆述；不則亦於譜主沒世未久，其門人故舊，就見聞或遺稿代爲編纂，幾等於譜主親撰。其中所述言行史實大都詳確，古代著作原以藏諸名山傳諸其人；故鮮有顧忌，此與歷代正史率由新朝爲勝朝所撰，遇有不利於新朝之記載，無不刪汰，甚或曲筆爲之。幸而我國修史者多爲具有正義感之學者，不肯歪曲過甚，寧刪汰忌諱；然因是不免失真已多，持與私人年譜相較，往往不無差異。此爲宋以後之年譜可貴者也。

至唐五代以前之年譜，則由後人就史書或譜主遺著搜集考據而成，不如宋以後各譜之迫真；然合冶一爐，亦足備參證，然究非宋以後年譜之比也。是爲余四十年前所得之印像。

今者旅臺將及卅載，續收中外圖籍約達五萬冊。鑑於前在大陸所藏之七萬冊珍貴圖籍，以共匪竊據大陸，未及移出，以致散佚或陷於不可知之命運者，懲前毖後，特斥資自設一圖書館，命名爲財團法人雲五圖書館，公諸社會閱覽，計所收中文圖書別集類往往括有年譜在內或有已單行者，連同新收近人著作及史地叢書舊刊，合計已達二百種以上。緬懷四十年前未竟之功，假我二三年，當一面續訪遺佚或新著，當不難達三百種左右；一面選擇精要及具有各方代表性者，假定仍留二百種；一面逐譜編製索引，則最後全部之總索引，殆在一二百萬之數，不僅集年譜索引之大成，亦可持以糾正史書之闕失訛誤。惟是編製索引，須將孤本之年譜先行景印，每譜至少須得若干冊，始便從事。因卽決定自本年四月起每月景印十種，分輯發行，其版式不同者皆統一爲卅二開本。查古籍多爲二十四開或三十二開。卅二開本者，其原式大小不變，廿四開者略予縮小，字體亦朗然可觀。至原史地叢書係卅二開本，除字體過小予以重排，餘則照原式景印。人人文庫本爲四十開，字體略小，研究年譜者多爲中年以上之士，因一律放大爲卅二開，則字體隨版式而加大；且集成全書可大小一致，間有佳作爲同業出版而必須納入集成者，則當洽讓版權，想同業樂觀厥成，當不難達成協議也。是爲序。

中華民國六十七年三月十五日王雲五

序

年譜依編年順序記載一人生平之事蹟，宋以後名人往往有之，大抵爲譜主自訂，或爲門生故舊所撰，亦有後人於古代名人就其著述，考其事蹟，爲之編訂者。年譜所述言行事實，大都詳確，可補史書之厥失，此其可貴處。

商務印書館從事編輯歷代名人年譜，始於上海，主其事者爲本館王故董事長雲五先生。遷台後，及雲老復主持本館，以前在大陸所藏圖籍散佚，重新蒐集，歷年所得舊刊新著，已達二百餘種，定名新編中國名人年譜集成，自民國六十七年四月起分輯發行，每輯十冊，迄六十八年雲老逝世之時，已刊行六輯。七輯以後自本年起照原定計畫陸續刊行。今雲老雖已謝世，不克親睹全部計畫之完成，然各輯目錄早經其生前決定，爲誌其四十餘年來與年譜集成之編輯工作相始終，仍標明雲老主編。雲老逝世後，本館另行蒐集者。因不在原定目錄之內，刊行之時，則不標明主編。

臺灣商務印書館編審委員會

民國六十九年四月二日

清姚海槎先生振宗年譜

紹興陶存煦遺稿

先生姓姚氏。諱振宗。字海槎。小字金生。清浙江紹興府山陰人。其先世。出吳興。迄隋。分支河南。晚唐時。又分支冀州。南宋初。始扈從來浙東。居會稽雷門鄉之長樂里。其後曰姚家埭。稱姚家埭姚氏。明初。又從姚家埭分出。至山陰厚社。聚族而居。明清間。代有聞人。三世祖鵬。字九霄。仕明至廣西按察副使。備兵府（？）江。時洞蠻披猖。公布恩信。不專耀兵。諸蠻率服。民得安堵。八世祖達。字繩霄。九世祖祖振。字越士。皆有介操。博極群書。至清初。達以勝朝遺老。置義田。教多士。鄉里賴之。而祖振則闢學圃。以著作自娛。有叢桂軒集行世。十世祖弘仁。清康熙辛未進士。皆以學問著述。義行隱德。具見府縣志及越風小傳。

先生曾祖諱隆堅。字勉臣。爲厚社第十三世祖。卒于嘉慶八年。配王氏。生三子。綱。鐫。鏞。側室陳。生一子。鉦。一女。適同縣陸鶴山。祖舜輝。初名鋼。字赤園。勉臣公長子。仕湖北潛江縣典史。卒于道光十八年。配同縣四川奉節縣典史陶載芳長女。無子。側室劉。河南人。生一子。仰雲。

父仰雲。初名湘。字楚青。號秋墅。小字佛恩。咸豐辛酉。以道員總司江北糧台。同治八年。歿于揚州公寓。以軍營立功後病故例。從優賜卹。加贈內閣學士銜。配李氏。生三子。長卽先生。次振文。次振華。振文幼殤。一女。適吉林宣兆熊。側室孫。生一女。未嫁病死。

道光二十二年壬寅 先生一歲

十二月二十九日午時。先生生于會稽陶家堰後港。先是。道光十年。赤園公辭官回里。寄居陶家堰婦家。十五年。陶氏被火。而赤園公亦以燼

其家。次年。卜居後港。又一年。赤園公歿。赤園公兩弟亦病死。一弟又遁入緇流。故生先生時。秋墅公以門衰祚薄。望以振興。命名曰振宗。是年。先生嫡祖母陶太夫人。已六十一歲。祖母劉太夫人。四十歲。父秋墅公。二十二歲。母李太夫人二十四歲。長姊適宣氏者四歲。

道光二十三年癸卯 先生二歲

秋墅公設帳嘯唸鎮。秋。納監赴秋闈。報罷。

道光二十五年乙巳 先生四歲

正月初二日。第二弟振文生。小字玉生。週歲而夭。

是年。知友會稽陶方琦生。字子珍。

道光二十六年丙午 先生五歲

秋墅公秋試。又報罷。爲貧所累。爰定遠遊之計。

道光二十七年丁未 先生六歲

四月。秋墅公束裝游江南。依外兄施安中敝堂于揚州同知署。遂棄書讀律。先是。秋墅公欲以科第顯。應童子試、秋闈。皆不遇。

十月初六日。第三弟振華生。字濟南。號次江。

道光二十九年己酉 先生八歲

五月間。越中大水。飢。市井無賴。肆行搶掠。而先生家。稍有米糧。盡被攫取。秋無收成。斗米千錢。李太夫人粧奩。至是亦質押殆盡。

秋。秋墅公再試秋闈。再報罷。

十月。秋墅公出游蘇州。

咸豐元年辛亥 先生十歲

二月。秋墅公自蘇州。移館鎮洋縣署。

四月。李太夫人以陶堰人事日非。因將舊橡出典他姓。自奉二老。賃居五雲門內東桑橋白菓樹下徐姓宅。舊躍雷館也。躍雷館爲明商諶軒煉丹

處。清初。章大來嘗館其家。後甲集中所謂平仲兩株。干霄直上。卽指其地。時猶矗立欣欣。先生雖幼。輒從父老。詢遺事。徘徊其下。七月。秋墅公應蘇州首郡聘。主文案事。冬。解館回紹。謀葬赤園公。繼因山向不利。始于次年冬月。葬會稽楊梅山。

咸豐二年壬子 先生十一歲

春初。秋墅公又出覓食。秋間。復游維揚。時施安中已調淮北監掣同知。因寓居揚州。居兩月。太平軍自長沙蔽江而下。江北人心惶惶。行旅不通。安中勸公入都驗看。藉圖升斗之糈。

咸豐三年癸丑 先生十二歲

春。秋墅公以縣丞。分發江蘇。徐州王兩三觀察，令赴宿遷。司度支。六月。糧台移紮宿遷。因留糧台當差。時軍書旁午。羽檄紛馳，秋墅公借箸力籌。巨細贍舉。上官倚如左右手也。

咸豐四年甲寅 先生十三歲

春。秋墅公調赴徐州。八月。東調江北糧台差委。僑寓邵伯。

咸豐五年乙卯 先生十四歲

五月九日。李太夫人率長女第三子赴邵伯。留先生居家。侍奉兩祖母。

咸豐七年丁巳 先生十六歲

三月。李太夫人回里。五月。秋墅公亦回里省親。大病幾死。秋仲。始再赴邵伯。

咸豐八年戊午 先生十七歲

秋墅公奉令。調取引見。八月。始旋省。李太夫人已先於四月間。攜眷移寓蘇州來遠橋。蓋是時徽甯失守。風鶴之警。漸逼杭紹。故遷蘇以避之也。

十月二十八日。李太夫人四十初度。秋墅公爲先生娶施恭人。江蘇宜興

知縣會稽施惠長女。與先生同庚者也。惠字普生。先生幼時業師。官宜興時。嘗重修明盧象昇祠。并蒐采遺稿。刊盧忠肅公集十二卷。

咸豐九年己未 先生十八歲

去年。江北大營譁潰。高郵以下。危如朝露。至是李太夫人乃命先生。率新婦。奉兩祖母。由嘉興歸紹。而自寓吳門。

咸豐十年庚申 先生十九歲

正月。清江突遭捻患。糧台遷泰州。

咸豐十一年辛丑 先生二十歲

七月。漕督袁甲三。奏薦秋墅公以道員總司江北糧台。捐辦皖營兵米事。時南北軍情不利。餉絀兵驕。萬分掣肘。公悉心經理。六年之間。恆冒鋒鏑。解送前敵。不辭勞瘁也。

九月二十九日。太平軍入紹興府城。先生奉兩祖母。挈妻室。由甯波航